

Шочмо эл, порылык да чын верч!

49-ше (3541) №,
2021 ий 3 декабрь,
кугарня.

Будь готов!

Ямде лий



1933 ий 1 февраль годсек лектеш.

0+

Тора, да лишыл йолташ



Рекламе.



Квитанцийым редакци-
йышке колтыза да ЛОТЕРЕЙ
модышышко ушныза.
Тўн приз – коньки.

Татарстан Республик Агрыз район Буймо школын 4-ше классыштыже тунемше-влак (снимкыште) «Ямде лий» газет дене кокымшо ий пенгыде кылым кучат.

– Ёдыр-рвезе-влак, возымо пашаштым але фотосүреттыштым газеттыште ужмеке, моткоч йывыртат, икте-весеыштан ончыктат. Ёмаште А.Юзыкайн лўмеш премий дене палемдалтынна. Тидыже сераш эшеат кумылан ден, – ойла 4-ше классым

туныктышо О.А.Изибаева.

2022 ийын икымше пелийжылан «Ямде лийлан» класс гыч кум йоча возалтын. **6 гыч 16 декабрь марте** Россий мучко **Подписчикын декадыже** эртаралтеш. Нине кечылаште йоча газетлан шулдырак ак, **321 тенгеат 54 ыр**, дене возалташ лиеш. Ёдыр-рвезе-влак чылан подпискым ышташ шонат. Тора кундемыште илыше-влаклан эше **электрон подпискым** темлена. Тидлан 89027382237 номер дене

Сбербанкыш 150 тенгем колтыман але тиде номерышке пыштыман да yamde_lii@mail.ru адресыш лўмнерым возен колтыман.

Марий Элысе школ-влак пытартыш жапыште **альтернативный подписке** йон дене кумдан пайдаланат. Тудын акше – 150 тенге.

Пагалыме лудшына-влак, келшыше йоным ойырен, «Ямде лий» газетлан возалташ вашкыза.


Х.АЛЕКСАНДРОВА.

Фотом школ архив гыч налме.

Тул дене ит мод!

«Тул модыш огыл» – тиде ойым ача-ава-влак, туныктышо-шамыч чўчкыдын ушештарат. Изи тул кугу энтеким конден кертеш. Тул лўдыкшыдымылык шотышто Пўтъял школышто тўрлў мероприя-тий эртаралтеш. Класс вуйлатыше-влак класс шагатыште умылтарат, тунемме эвакуацийым эртарат. Йоча-влак сўретым сўретлат, тўрлў конкурсышко ушнат. Шукерте огыл «Безопасность глазами детей» всероссийский сўрет конкурсышто мастар-лыкнам тергенна. Пырля тунемме йолташем-влак сертификат дене палемдалтыныт, а мый «Профессия-спасатель» тагасыште сенгышыш лектынам.

Фотом школ архив гыч налме.



Даша ИВАНОВА.

Волжский район.

Йот йылме дене мурым мурым мурым районусо конкурсышко 4-6-шо класслаште тунемше-влак ушненна. Тагасымаш Аван кечыжлан пўлеклалтын. Ме англичан йылме дене мурым тунемынна. Визымше да кудымшо класслаште тунемше-влак

Мурсем ушен

ава нерген муренна.

Ульяна Федорова (4-ше кл.) коважлан мурым пўлеклен. Мыланем тыгай весела конкурс келшен: англичан йылме урокымат да эше мурашат йўратем.

Амалия ЗЫКИНА.

Марий Турек, Арбор.

Историйым шергалына

3 декабрь – Ялыдыме салтакын кечыже.

1941 ий 5 декабрьыште Йошкар Армий Москвавоктеч фашист тїшкам чактарен, контрнаступленийым тїжалын. 5 декабрь Россияште Воинский чап кече семын палемдалтеш.

Тазалык верч

Кодшо арнян школыштына «Ме – тазалык верч» тагасымаш эртаралтын. Тунемше-шамыч (снимкыште) «Кече» ден «Шонанпыл» команде-влаклан шелалтыныт. Ёдыр-рвезе-шамыч тазалык

нерген йодыш-влак-лан вапмутым кычалыныт. Мучаште, тўрлў чаракым эртен, команде дене куржыныт. «Шонанпыл» команде ончылыи. Физкультур урокым т у н ы к т ы ш о С.М. Андреевлан спорт пайремым эртарымыжлан таум ойлена.

Вика ПОЛИКАРПОВА.

Кужэнер, Йывансола.



Фотом школ архив гыч налме.

Россиясе увер

11-16 ияш ёдыр-рвезе-влак, «Мир литературы. Юность» всероссийский конкурсышко ушнен кертыда. Тўрлў жанр дене возымо пашам 15 декабрь марте колтыман. Сенгыше-влак «Артек» тўнямбал рўдерыште канаш тўналыт. Тўрыс увер – aspirf.ru сайтыште.

«Сыграл, поделись, обсуди!» всероссийский конкурсышко ушныза да йўратыме ёстембал модышда дене палдарыза. Видеом войыза, «ВКонтакте» соцкылысе лаштыкышкыда #ОбзорИвН21 хештег дене 31 декабрь марте верандыза.

Кажне кумылан еным «Самый полосатый» всероссийский сўрет конкурсыш ушнаш ёжыт. Моторын сўретлыза, фотом ыштыза да пашам 14 декабрь марте колтыза. Тўрыс уверым leonardo.ru сайтыште ончыза.

Марий Элысе увер

24 декабрьыште «Йўшто кугыза дек унала» республикысе фестиваль-конкурс «ВКонтакте» соцкылысе «Сернурская централизованная клубная система» тўшкаште онлайн эртаралтеш. Йодмашым kdd.mmc@yandex.ru адрес дене 10 декабрь марте колтыман.

Республикысе йоча да самырык-влаклан технике усталык рўдер компьютер графике да анимаций дене «Моя волшебная кисть» конкурсым увертарен. 6-18 ияш ёдыр-рвезе-влак ушнен кертыт. Йодмаш ден пашам cttuclub@mail.ru адрес дене электрон почтыш 10 декабрь марте колтыман.

Йошкар-Оласе 7-ше Не-ан Йоча усталык школын тунемшыже Илья Шавкунов музык теорий дисциплине дене «Эврика» тўнямбал конкурсышто I степенян лауреат лийын. Саламлена!

5 декабрь —
Волонтёрын
тўнямбал
кечыже.



Фотом школ архив гыч налме.

«Пиалан билет»

Волжск олесе 4-ше №-ан школ пеленысе «Счастливы билет» волонтёр отряд изинек эмганен кушшо йоча-влак дене куд ий утла пенгыде кылым куча. Отрядым школ директор М.В.Янковская вуйлата.

– Кызыт «Ребёнок с будущим» организаций дене тырля пашам ыштена. Ёдыр-рвезе-влак дене проект-шамычым ямдылен, илышыш шындарена. Робототехнике, кулинар (снимкыште), ненчаш, ургаиш туньктыммо, театр, инклюзив мастерской-влак пашам ыштат.

Лишыл жапныште аудио-видео студийым почаш палемдыме. Тушто йоча-влак тўрлө видеом войзаш тунемаш тўнхалыт. Аутизм чер дене орланыше йоча-влаклан вес ийын 4-ше номеран школ пелен классым почаш шонена, – ойла Марина Валерьевна.

Волонтёр отряд кок направлений дене пашам ышта. Икымше – изинек эмганен кушшо йоча-влаклан полшаш, тўрлө пашалан тунькташ. Весе – начар тазалыкан икшыве-влакым моло йочашамыч дене ик радамыште улмыштым шижаш кумы-

ландаш.

Волонтёр отрядысе ёдыр-рвезе-влак «Добро пожаловать в жизнь» проект дене Президент грантым сененыт. Грант окса да ача-ава-влакын полшымышт дене пачерым налыныт. Тушко изинек эмганен кушшо икшыве-влак кечыгутлан толыт да шке шот дене илаш тунемыт. Кочкаш ямдылат, пёрткөргым эрыктат, кевытыш коштыт, кидпашам ыштат. Кодшо ийын «Ребята-поварята» проект дене «Доброволец – 2020» всероссийский конкурсышто Настя Иванова сенымашке шуын: 400 тўжем тенгем пуэныт. Тиде окса дене мебельым, техникым да кўмыж-совлам уэмденыт.

Йоча – ача-аван куанже. Тудо кеч таза, кеч черле лийже, йоратымашым, умылымашым, пагалымашым шижын кушшаш. Начар тазалыкан йочалан куаным пөлеклаш лиеш. Полыш киддам шуялташ ида лўд.

Е.ИВАНОВА.



Фотом школ архив гыч налме.

Шанчыен лийна

Ик кечын 3-шо классна шанче да шымлыше институтыш «савырныш». Химий да шанче лабораторий-влак пашам ыштышт. Мыланна шанчыен лияш келшыш (снимкыште). Тидлан сайын тунемман. Ме эше чот тыршаш тўналына.

Ирина ЕГОШИНА.

У Торъял, Немда.

Волонтёр пашан пайдаже:

- ➔ Йолташ-влак ешаралтыт.
- ➔ У пашалан тунемаш, опытым погаш лиеш.
- ➔ Усталык пойдаралтеш.
- ➔ Кумыл нёлталтеш.
- ➔ Ончыкылык пашалан негыз пышталтеш.



Тыгыде Морко ялысе книгагудышто «Авалан пөлекым – шке кид дене» мастер-классым эртареныт. Тушко 2-шо номеран Морко школышто 3-5-ше класслаште тунемше-влак (снимкыште) погыненыт. Нуно Ава кечылан сылне открыткым ыштеныт.

В.СМИРНОВЫН фотожо.

Морко район.





ТУКЫМ УЛЫНА

Шочмо йылме

Мыйын шочмо йылмем – марий йылме. Тиде мотор йылме мый декабрь ковакочам, ача-авам деч куснен. Мыят икымше шомакым лач марла ойленам. Тиде «ава» мут лийын. Шочмо йылмем нигунам ом мондо. Марий улмем дене чот кугешнем. Аралыза шочмо йылмыдам, тудын дене кутыраш ида өр!

Диана СКВОРЦОВА.

Морко, Шўргыял.

«Шернур-Марисола» эн мунло

25 ноябрьште Республикысе марий тўвыра рўдер «Мунло» республикысе уш-акыл марафоным онлайн эртарен. Тушко Йошкар-Ола да республикын кажне гаяк районжо гыч 19 команде ушнен. Ёдыр-рвезе-влак «Шочмо кундемдын кумдан палыме енге-влак», «Марий сылнымут да йылме», «Марий калык йўла-влак» йыжынлаште уш-акылыштым тергенит. Гран-прим Шернур районын «Шернур-Марисола» командыже (снимкыште) налын. Икымше верышке «Эр ўжара» команде (Марий Турек школ) лектын, кокымшыш – «Онар» (Параньга, Матародо), кумшыш – «Волгенче» (Морко, Коркатово). Сенгыше-влакым 10 декабрьште Марий тиште кечылан пўлеклалтше Марий тўвыра фору-мышто саламлат.



Фотом школ архив гыч налме.

Х.АЛЕКСАНДРОВА.

Ош тўсан пагыт

Теле – ик эн вучымо пагыт. Курык гыч издер дене мунчалтымже мом шога! Ече дене коштмаш, яндар южым шўлымаш – тазалыклан эн сай эм. Шольым дене коктын телым чот йўратена. Лум гыч тўрлў модыш ден янлыкым ненчена. Телым сылне пайрем-влакым – У ийым, Шорыкйолым, Ёярням – мемнан кундемыште веселан пайремлена. Икте-весе деке унала коштына. Теле – чоныш ош тўсым пуртышо жап.

Росина ВАСИНКИНА.

Марий Турек, Арбор.



Каныш кече

Толын шуо каныш кече,
Ятыр вучымо жапна.
Таче ок кўл писе ече,
Ий полатыш вашкена.

Чийышна коньким моторым,
Ий ўмбаке шогална.
Ышна шого йўршын ўрын,
Пикшла вигак чымышна.

Толна мўнгў, пырт ярналын,
Шична каналташ чылан.
Шўм-чоннаже куаналын,
Спортлан улына шўман.

Аня АНДРЕЕВА.

Кужэгер,

Тошто Йўледўр.



Йўратем мый

шочмо верым,
Кораксола чевер ялнам.
Тудын ден пырля

Лекайным –
Уста писатель-землякнам.

Регина ГРИГОРЬЕВА.

2-шо номеран

Морко школ.

Лум пырчын вальсше

Икана кўшнў, каваште, ик лум пырче шочын. Вара весе, кумшо, нылымше... Мардеж пуалме дене лум пырче каваште гыч мландыш волаш тўналын. Воктекыже весе ушнен. Нуным ончен, моло-влакат почешышт тарваненыт. Сылне сем почеш вальсым куштышо егла койыныт. Мардеж пуалын – ик могырыш тарваненыт, уэш лупшалын – вес велыш чонештеныт.

Лум пырче-влакын куштымыштым куанен эскеренам.

Эльвира АЛЕКСЕЕВА.

Марий Турек, Сардаял.

Могай роман тыге тўналеш, палыза.

Изи тайыл почеш мунчалтен вошыжла, Сакар ече вуйжо дене нолго воштырым шуралтыш. Нолго воштыр кож укшым перыш, кож укш гыч Сакарын вуйшыкыжо мамык гай пушкыдо лум кырпак камвозо.

А. С.Г.Чавайн «Элнет».

Б. Я.П.Майоров-Шкетан «Эренгер».

В.СМИРНОВ ямдылен.

Йыван кугешнаш тарата



Марий Элын шочшыжо, актёр, режиссёр Денис Шаблий «Не Иван, или Как приручить Богатыря» фильмым шукерте огыл калык ончыко лукто. Тидын нерген соцкыллаште түрлө шоньмашым вазат. Фильмыште кредалмашым, олесе школышто марий йочам игылтым ончыктат, манын серат. Тыгай фильм йочан чонжым огеш эмгате! Тиде йодышлан психологий шанче кандидат, доцент **Т.Н.ГОЛОВАНОВА** (снимкыште) вашмутым пуа:

– Кажне ег фильмым түрлө семын онча. Чылажат тудын кумылжо, тўнъямылымашыж деч шога. Тўрлө ийготан-влак ик шомакымак тўрлын умылен кертыт. Подростко-влак дене тўткў лийман, нунын чоныштышт конфликт ылыжын кертеш. Икшыве кеч-могай калык гыч лийже, тудо ешыште торжалыкым ужын, ача-аван йоратымашыштым шижде кушкын гын, шкенжынат уда койышыжо палдырнаш тўналеш. Тыгай койыш-шоктышыжым ешыште ончыкташ огеш тошт гын, шкеж деч изирак ийготан, ўнышў, вожылшо рвезе-влак дек кержалтеш.

Фильмыште «национальный конфликт» манме йодышым ончалаш гын, тиде калык дене кылдалтын огыл, очыни. Олесе рвезе-влак Йыванын марий улмыжлан верч огыл тудын дек кержалтыныт, пуйто нуно шкешт деч начаррак рвезым вашлийыныт. Тиде конфликт марий рвезым мунлыракым веле ыштен. Йыван коважын ушан шомакше-

влакым колын: осалым кредалын огыл, а кўргў вий дене сеныман.

Тиде фильм йочан чонжым огеш эмгате, шонем. Тудым чын умылен моштыман. Изирак икшыве фильмын



Илья МОИСЕЕВ, 1-ше номеран Медведево школ:

– Данил шольым дене фильмым уэи-пачаш ончена. Мыланна Онарын рвезе-влаклан полшымыжо келша. Ме тудын вийжылан ўшанена. Шкежат полшышым йодына. Мый дзюдо секцийыш коштам. Икана таңасымаш тўналме деч ончыч авам дене «Онар полшо» манынна. Тыгак «Позволь своей реке выйти из берегов» ой чонлан лшыыл. Шольым дене фильмысе мурым пырля мурена. Тудо кызытсе илышлан келшыше. Олег Тактаровын модмыжым куанен ончена. Интернетыште тўрлў видеом шергалынна. Актёрын ачаже марий улмаш.

Х.АЛЕКСАНДРОВА.

Икоян улына

Весела, чулым латкок йоча визымше классыште тунемына. Икте-весе дене келшен илена, икоян улына. Кум ўдыр ден индеш рвезе келге шинчымашым налшаш верч тыршена. Ме физкультур, марий литератур, руш йылме, математике урок-влакым йоратена. Мер пашашке кумылын ушнена. Ме, туныктышо-влакым пайремышт дене саламлен, концертым ямдыленна. Мый йолташем-влак дене кугешнем.

Арина ЧЕМЕКОВА.

Шернур, Марисола.



Кокымшо пўрт

Коркатово лицей – мыйын кокымшо пўртем. Биологий ден химий предметла дене келге шинчымашым налаш манын, ончыкыжым врач лияш шонен, 8-ше классышке тунемаш толынам. Икмыняр жап эртымеке, пенгыдын каласен кертам: тыште шке професийыштым йоратыше, эре полшаш ямде улшо, ойканашым пуышо туныктышо-влак пашам ыштат. Йолташ-влак ўшанле да поро улыт.

Ольга ОГУРЦОВА.

Морко, Коркатово.





КЕ-КЕ-РЕК-
КРЕ-Е-ЕК!

Мыскара странице

Мыйын авий комбым шуко ий онча. Мыят тудлан полшем. Комбо игыже-влакым май покшелне пүктен луктеш. Авий иге-влакым пörтыштö кужун ок кучо, уремыш луктын колта. Нуно ужар шудышто коштыт, мый оролем. Ик йўран кечын комбо ден игыже-влакым изи пöлемеш кодышна. Кўвареш газетым шарышна, кочкашышт шындышна. Кугу пöлемыш ынышт лек манын, тентгыл-влакым верандышна, тудым пальто дене петырышна.

Школ гыч вашке тольым. Вигак изи йолташем-влак деке ошкылым. Изи пöлемыште шарыме газет изишат амырген огыл. Кугу пöлемысе кўвар тичмашнек лавыран. Ик

Ушан комбо

ару верат кодын огыл, манащ лиеш. Комбо ден игыже-влак нигуштат огыт кой. Кушто гына мый нуным шым кычал: кудывечыште, пörт-йымалне, уремыште – комбиге-влак нигуштат уке улыт. Пöлемыште шогем, комбиге-влакым кычкырем:

– Рига-рига, рига-рига, рига-рига.

Ик комбиге ваштарешем куржын тольо.

– Кочмет шуэш? Эн чот тый шуженат? Ала кампетке дене тыйым сийлаш? – ойлем тудлан да тунамак кўсенем гыч кампеткым шуялтем. Комбигат йўкым пуыш. Тудын почеш моло иге-влак толын шуыч. Мый нунын кушеч лекмыштым шекланышым. Ава комбо кок шкаф кокласе агысыр верышке пурен шинчын: кугыжанватыла веле коеш.



Туштак игыже-влак лийыныт. Öрмаш, кузе тушко шыненыт? Молан йўкым пуэн огытыл? Ава комбым ончен, ятыр жап воштылым.

Иге-влакым пукшышымат, кўварым мушкым. Авий толмеке, радамын каласкалышым. Тудат комбын кок шкаф коклаш шыңымыжлан öрын. Эрлашыжым школышто йолташем-влаклан ойлышым. Нуно комбо ден игыже-влакым мокталтышт:

– Шулдыран йолташет-влак арулыкым йöратат. Кугу пöлемым амыртен пытарымеке, кок шкаф коклашке ару верым кычал пуреныт. Але ава комбо игыже-влакым тушман деч шылтен.

Эльвина
АПЛЕКАЕВА.

Пошкырт,
Караидель, Ёткүстө.
Ф.ЛЕБЕДЕВАН сўретше.

Янлык погын

Басне

Чодыраште – йўк-йўан.
Чылт шонет – кугу сўан.
Янлык-шамыч погыненыт,
Йодыш-влакым кагашеныт.
Шыдыж ден Маска оила:
«Ужыда, саска пыта,
Эркин-эркынак кошка.
Теле угыч лишемеш,
Курго койын иземеш.
Тудым кўлеш ямдылаш
Телым сайын эртараш.
Ок кўл тышке-туш ончаш,
Тыланда кўлеш тыршаш!
Телым меже малена,
Кызыт коям погена.
Вынемнат келша моткоч,
Керек тачак пурен воч».
Сур Пират шомакым нале,
Эркин кутыраш тўнале:
«Шыллан кызытат пеш чўдö,
Телылан кеч пўтым кучо».
«Олмапум адак нулташ
Телым ялыш кудалаш?
Тиде пе-ешак шучката», –
Меран лўдын пелешта.

Л.А.СОШИН.

Морко, Купсола.

Петя «черланен»

Ик кечын Людмила Ивановна йоча-влак деч йодо:

- Урокушто шкем кузе кучыман?
- Шып шинчыман. Йодышет уло гын, кидым нöлталан, – вашештыш Маша. Ёдыр ойлен шуктыш ала уке, Петя кидшым нöлтале.
- Петя, йодышет уло? – йодо тунуктышо.
- Уке, тиде тергымаш. Системе кузерак пашам ышта манын умылынем ыле.



Петям тунемаш кузе кумылаңдаш? Завуч тиде сомылым шке кидышкыже налаш тыршыш:

- Пётр Васильев, ачалўмдаже кузе?
- Мый Пётр Петрович улам.
- Ну, Пётр Петрович, тунемаш кунам тўналына?
- Чыталтыза, каникул деч вара.



Лум возо. Петян куанжылан мучаш уке. Черланымешкыже модо. Каникул деч вара школышкат ыш кай. Людмила Ивановна ыш ўшане. Урок деч вара тудын деке класс дене уналыкеш каяш тарванышт. Пörтыш пурен шогальыч гын, öрмаш: Петя унчыливуя шога.

– Петя, тебе могай тый черле улат! Очыни, тыге эмлалтат? – умылынеже тунуктышо.

– Температур кўзен, тыге волтем.

Дмитрий ВЕДЕНЬКИН.

1-ше номеран Шернур школ.



Йольече, вучалте!

Мый телым вучем. Кылме тылзым калыкыште «телын капкаже» маныт. Чынак, кызыт тиде пагытын толмыжо шижалтешак. Лум лумаш тўналеш, вўд кылма.



Кашташте кечыше йольечым ончалам да манам: «Вашке жапет шуэш. Вучалте!»

Полина АЛЕКСЕЕВА.

Морко, Коркатово.

Фотом школ архив гыч налме.



Авалан – пеледыш аршаш

Медведево район Кузнецово школын 1-ше «А» классыштыже тунемше ўдыр-рвезе-влак (снимкыште) «Авалан – пеледыш аршаш» конкурсышко ушненыт. Нуно авашт дене пырля

пеледыш аршашым ямдыленыт. Икте – тюльпаным, весе – висвисым, кумшо – гиацинтыт. Кажныжын ойыртемалтше да мотор.

С.Б.ОКУНЕВА,
туныктышо.


Вийым ешарена

Футболым рвезе-влак утларак йоратат. Спортын тиде видше айдемын могай койыш-шоктышан улмыжым палдара. Мутлан, ик рвезе эре шке гына голым пуртынеже, весе пас дене модаш йората, кумшо капкам сайын орола. А ме, ўдыр-влак, рвезе-шамычлан полшена. Кўн кузе модмыжын шекланена. Кычкырена, пуйто рвезе-влаклан ешартыш вийым пуэна. Нуно футбол пасушто писештыт, сайынрак модаш тыршат.

Таня СУВОРОВА, Алина ПАВЛОВА.

Морко, Коркатово.

10 декабрь – Футболын тўнямбал кечыже.



Сўретым чиялтыза.

«Ямде лий» 2021 ий 3 декабрь

Рекламе.

М.Шкетан лўмеш Марий кугыжаныш драме театр

ДЕКАБРЬ

4	ШМ 16:00	ШОЧМО КЕЧЫН Комедий	В. Ткачев / День ангела	12+
5	РШ 16:00	ЎДЫР ТАҢЛАН САЙ ПЕЛАШ Комедий	В. Красногоров / Три красавицы	16+
9	ЧЧ 18:00	СЕРГЕЙ МАЗУРЕНКО ВЕЧЕР СТАРИННОГО РУССКОГО РОМАНСА И ПЕСНИ	Общество развития русского исторического просвещения "Другазый орбў"	12+
11	СБ 16:00	ОСКАР И РОЗОВАЯ ДАМА Письма Богу	Э. Шнитт на русском языке	12+ Цех-за
24	КТ 18:00	ШЎДЫРАН САНДАЛЫКЫШТЕ У ИЙ У Ий концерт	/ Новогодний концерт	12+
25	ШМ 16:00	ШЎДЫРАН САНДАЛЫКЫШТЕ У ИЙ У Ий концерт	/ Новогодний концерт	12+
СПЕКТАККИ ДЛЯ ДЕТЕЙ				
19	ВС 11:00	ЛУЧШЕЕ ЛЕКАРСТВО ОТ ЗЛОБЫ Сказка с интермедией	И. Пунский на русском языке	6+
25	СБ 11:00	ТРИ СЕСТРЫ Сказка с интермедией	В. Пектеев на русском языке	0+
26	ВС 11:00	НОВОГОДНИЙ ПЕРЕПОЛОХ Сказка с интермедией	Е. Венедиктова на русском языке	0+

КАССЕ (8362) 78-13-78 SHKETAN.RU

Синквейн

Лум
Ночко, ошо.
Возеш, куандара, шула.
Мландым эркын леведеш.
Куан.
Регина ГРИГОРЬЕВА.
Морко, Энерсола.

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште пегымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымашышт тўрлў лийын кертыт. Серыш-влак мўнгош огыт колталт.
Ак – кутырен келшыме почеш.

Редакцийын да издательнын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пўрт.
Тел. 8(8362) 45-22-82(факс)



Ксюша СИДОРКИНА.
Кужәнер, Руш Шой.



Кирилл ЧЕТКАРЁВ.
Шернур, Лажъял.




Ксюша СВЕТЛАКОВА.
Кужәнер, Руш Шой.

Конкурс


Ўдырлан коньким муаш
полшыза.



Лум пырче-
влакым сүрет-
лен пытарыза.



Икгай кок пижым кычал муза.



Ешыштына Йүштө кугызан
почмо кечыжым пайремлышна.
Авам дене пырля окнам сора-
тарышна (снимкыште). Йүштө
кугыза толеш да окнашкем
ончалеш гын, моткоч куана,
шонем. Ала У ийлан чапле
пөлекым конда?!

Костя ШЕХУРДИН.
Шернур, Кукнур.



Фотом еш архив
гыч налме.

Сүретыште 8 ойыртемым муза.

